

Барча Раджаб барз!

Ххирасса диндалул уссурвал ва ссурвал!
Дақнихтуну барча буллаи буру цинявпагу бусурман мубарак-
сса Раджаб барз бучІавришал.
Аллагъу Тааьланал жунма итабавкъусса чІумул мутта жува
мунайн лабизлай, дақнихтуну эбадат дуллаи гъан буван Зан-
нал ва зуруй тавпикъ булуннав. Аьчухшиву, дақнихтунушиву
жувура ххи дан Аллагънал ﷻ кумаг баннав. Жулла дақІру марці

дуккан дуван, къаххуймуния байшун буван, оьмуния буруччин
сававну хъуннав ва барз. Вай кІирисса гъантрай зума дугъаврил
бусурман агъулданун барачат ххи хъуннав.
Дулуннав Аллагъу Тааьланал жухъхъунна гуж-къудрат, Цува
рязи увансса, диндалул амрурду щаллу бувансса!

Ас-салам кказитрал редакция



Ва номерданий :



лаж. 3

Аьли-асхІаблул ﷻ варантгу
бавчІусса куц



лаж. 5

Нитги-буттал рязишиву
тІалав дувара!



лаж. 6

Гъаттаву чирахъ...

ТІаннул ЦІувкІуллал аьлимтал

Революция хъуннин 2-мур
(ТІаннул) ЦІувкІрав кІива мизит
бивкІун бур. Мизитраву тІурча
та заманнай мактаб, яъни бай-
бихъулул школа, ягу мадраса
- дянивмур школа бикІайсса
бивкІссар. Мунищала архІал
мизит хъанай бивкІссар ма-
даниятрал (яъни культуралул)
центрнугу. Диндалул бияла та
заманнай хъунмасса бивкІссар.

ТІаннул ЦІувкІуллал шяраву
хъинну махъ нанисса инсан
ивкІун ур МахІаммадов Оьмари.
Оьмарил цалла шяраву дакъасса,

Буршай, Ххюлусмав ва ЧІурттахъ
дурккуну диркІун дур. Динда-
лул элму дакъасса, ганан ххуйну
кІулну диркІун дур астрономия
ва математика. Га хъунмасса
хІаллай щарнил къадину ивкІун
ур. Мунияту хъинну сий дунугу
ивкІун ур. Ганан макІличІулул ва
къадарличІулул элмулул луттирду
ишла бан кІулну бивкІун бур ва
миннуйну ялун бучІанмур аьлтту
байсса бивкІун бур. Электричество
дуккантІишиву, инсантал гъавал-
лавух лехлантІишиву, щинна-
вухсса жамирду (субмаринарду)
бигълантІишиву кІул бувссар

тІунгума бикІай.
Хъинну кІулну бивкІун бур ганан
Дагъустаннал ва хаснува лакрал
тарих.
Оьмари хъинну лахъисса оьрму-
лул заллу хъуну ур. Га яхъанай
ивкІссар, учай, 137 шинай. Накълу
хъуну ур аьлимчу 1936 шинай.
Хъуннасса сий дусса чув ивкІун
ур Гъазиев Ибрагъимгу. Га дуклай
ивкІссар, тІун бикІай, кураллал Ал-
къадар шяраву (цІанакулсса Сулай-
ман Сталскийл цІанийсса район)
ХІасан- апанни АлкъадариначІа,
Къукнив ХІажи-Муса-хІажинал ма-
драсалуву, ва Гъумук. Зий ивкІун

ур РутІуллал Шиназ ва ИгъракІи
шяраваллаву, Ккуллув, ЦІуцарнив.
Оьрмулул махъми шиннардий
га хІалтІилухун Назраннай
лавгун, къяпричину (къяпрал
устарну) зий ивкІун ур. Совет
хІукуматрал заманнай диндалул
аьлимчу хІисаврай га къума ул-
лай ивкІун ур. Ганан Назраннаяту
КІапКІайлив (Владикавказрайн)
изан багъну бур. Амма тиккугу къа-
итлай ивкІун ур. Ахиргу, увгъуну,
авкъуну ур. Тийхва КІапКІайлал
дуснакъраву ивкІуссар, тІар.


«Лакрал щайхтал, валитал, аьлимтал»
тІисса луттирава

Шяъван зурул хирашиву

Шяъван барз хъинну ххирасса, даража хъун-масса барзри. Муниву ца къини зума дургъуну цума ухъурчагу, мунал чурх дуржагърал цIаран хIарам байссар. Алжаннаву Юсуп идавсил гьалмахчунугу икIайссар. Аюб идавсин ва Давуд идавсинуксса чиригу булайссар. Гьаттал цIаншивугу яла гьан дайссар. Мункар-Накирнал ццахханнараятугу ххассал шайссар. Къиямасса Къини мунал авьратгу чIалан къадикIайссар. Му зурул, хъхъичIра-хъхъичIсса цIузурул хъхъуну, ацIния кIира ракааьт ссунат-чаклил дарча, альхIам буккуну махъ гьарца ракааьтраву ххю-ххюва къулгъугу буклай, ацIния кIиазара шагьиднануксса чире буссар, ацIния кIира шиная эбадат дурсаксса чиригу чичайссар, ниттил лякъдул увсса къини куна бунагърая марцI шайссар. Муниа тихунмай майцIалва гьантлий мунал хатIагу къачичайссар.

Бараатрал хъхъунил ххирашиву

Шяъван зурул ацIния шамулку хъхъуну, Жабраил малаик ливкссар МухIаммадлучIан ﷺ, Аллагьнал ﷻ амрулийну, шануйтугу изан увну. «Гьархъхъуну ххирасса хъхъур, вилва мурад чIа уча Аллагьнахъ ﷻ», увкусар. Яла МухIаммад ﷺ ивзун дуаь дурссар, умматиннал аьпа ба куну. Яла Аллагьгу Тааьланал Жабраил гьан увссар, «Вил умматиннал шанма бутIул ца бутIа вин уква буллуссар», – куну. МухIаммад ﷺ аьтIун ивкIссар, – «Махъминнан ци бувссар» тIий. Мунил хъиризмур ацIния мукьил-чинмур хъхъунугу ливккун Жабраиллул увкуссар Идавсихъ ﷻ, – «Гьархъхъунугу ххирасса хъхъур дуаьлухъхъун, жаваб дулайсса. Ивзун вила мурад чIа уча Аллагьнахъ ﷻ» – куну. Ивзун МухIаммад ﷺ дуаь дурну, му хъхъунугу цала уммат чIа куссар. Ялагу ливккун Жабраиллул, – «Вила умматиннал шанма бутIул кIива вин уква буллуссар тIий ур вила Аллагь ﷻ», – куссар. МухIаммад ﷺ ялагу аьтIун ивкIссар, махъминнан цивхуссар тIий. Мунил хъиризмур ацIния ххюкусса Бараатрал хъхъунугу Жабраил ливккун: «Я МухIаммад ﷺ, ва ххирасса хъхъури, вила мурад чIа уча», куссар. Яла увкуссар: «Я МухIаммад ﷺ, ххаришиву, вила циняв уммат винма уква буллунни Аллагьнал ﷻ, цайн ширк бивхъума акъасса», куну. Яла МухIаммад ﷺ ссавруннайн урувгун, арулвагу ссавнил хъулурду тивтIуну, ссавруннайсса циняв малаиктал суждалийин багъну ххал хъуссар, МухIаммадлул ﷺ умматиннал аьпа ба тIий. Гьарца арулвагу хъулийгу малаиктал ккавкссар, гьархъхъуну эбадат дурманансса хъинбаларду



буманансса даражарду, чирирду тIий оьвтIий. Яла Идавсгу ﷻ ххари хъуну, муниар махъ гьарца шиная му хъхъу утгара дулла ивкIссар. Гьашину Шяъван барз байхъхълахъиссар майрал 29-нний.

Бараатрал хъхъуну дурну хъинмур

Му хъхъуну гьарца ссавнил хъулурду тIитIайссар. Шантуршва рахIматрал хъулу тIитIайссар. Алжанну чIюлу байссар. Малаиктурал байранни. Му хъхъуну Аллагьгу Тааьала халкъуннайн аьлтту увккун, сси бизаврил, гуж баврил сипатрая, рязий шаврил, рахIму баврил ссипатрайн аххана хъуну халкъуннай рахIму бувну, рахIат бувну, циняв-ннал аьпа байссар. Цайнма ширк бивхъуманалгу, ссихIир байманалгу, чяхир хIачIайманалгу, зуна-рахун агьманалгу, нитти-буттан аькъуба дулайманалгу, риба ласайманалгу, ламмамшиву дайманалгу, силатул рахIму (мачча-гьанминнашал дакъаву) бакъаманалгу бакъасса. Минналссарив, тавба къадурну аьпа къабайссар. Му хъхъуну, гьарцаннал му шиная бувсса аьмал ссаврунайн лахъайссар. Гьарцаннал ризкъи, ажаллу къадар байссар. Заннан ﷻ ччан бивкIманалсса кунналсса ажаллу

махъун бувтун, кунналсса хъхъичIун буккан бувну насху байссар. Му хъхъугу утгара дурну, му къини-гу зума дугъаврил даража хъунмассар, хIатта, му къини гьарца жиндардил, лелухалтрал, урттилс-риннул, хъхъириувсса хIаврал зума дугъайссар. Му хъхъуну ацIния кIира ракааьт чаклил дарча, гьарца ракааьтраву аьлхIам буккуну махъ ацIния цалва къулгъугу буклай, мунал гьарца оьшивугу яла гьан дайссар, оьрмугу зияда байссар. Ялагу му хъхъуну бан хъинсса зад – ца мажлисрай шя бивкIун шамийлва «Ясин» буккинссар. Му букку-тари, мунил хъиризмур алхIамгу буккуну, ссалаватту дуртун, Илагь биттажаллил аьзами... тIисса, му хъхъуну дуккайсса дуаьгу дуккинссар. Му хъхъуну шам-шамийлва ми буккуну, шамилла му дуаьгу дуккинссар. ХъхъичIива-хъхъичI ми буккайний дин-тIааьт дайсса оьмру зияда баннав куну, нийят дансар. КIилчин буккайний, ризкъи гьарта баннав куну дансар. Шамилчин буккайний, къаччисса зад арх баннав, инсантурайн хIажат къааннав куну дансар. Мий буккайний гьарца чIумал цалла дуаьлухъхъун жаваб дулунссар тIи дакI дарцIуну икIанссар.

«ГьунчIукъатIан» тIисса луттирава

Бараатрал хъхъуну Ясинналул хъиризмур дуккайсса дуаь

Бисмиллагьи-р-рахIмани-р-рахIим Аллагьумма я заль-манни ва ля юманну аьлайгьи, я заль-жалали валь-икрами, я за-тIтавли валь-инъами ля илагьа иля анта загьра-ллажжина ва жарал мустажирина ва аманаль-хаифина. Аллагьумма ин кунта катабтани эндака фи уммил-китаби шакийян, ав махIрумман, ав матIрудан, ав мукьтарран аьлайгьа фи-р-ризкъи фамхIу Аллагьумма бифадзлика шакъаватий, ва хIирманий, ва тIардий, ва икьтара ризкъий, ва асбитний эндака фи уммил-китаби саэдан, марзукъан, мувафакъан лилхайрати, фаиннака къулга ва квавлукаль-хIакъу фи китабикаль-мунзали аьла лисани набиййикаль мурсали: «ЯмхIуЛлагьу ма

яшау, ва юсбиту, ва эндагьу уммуль-китаб(и)». Илагьий биттажаллийль аьзами фи лайлати-ннисфи мин шаьбаниль-мукаррами ллатий юфракъу фиъга куллу амрин хIаким, ва юбраму ан такшифа аьнни миналь балаи ма аьламу, ва ма ла аьламу, ва ма анта бигьи аьламу, иннака анталь-аьззуль-акраму. Ва саллаЛагьу аьла саййидина МухIаммадин ва алигьи ва сахIбигьи ва саллам.

بِسْمِ اللَّهِ الرَّحْمَنِ الرَّحِيمِ . اللَّهُمَّ يَا ذَا الْمَنِّ وَ لَا يُمْنُ عَلَيْهِ يَا ذَا الْجَلَالِ وَ الْإِكْرَامِ يَا ذَا الطُّوْلِ وَ الْإِنْعَامِ لَا إِلَهَ إِلَّا أَنْتَ ظَهَرَ الْأَجِينَ وَ جَارَ الْمُسْتَجِرِينَ وَ أَمَانَ الْخَائِفِينَ . اللَّهُمَّ إِنْ كُنْتُ كَتَبْتَنِي « كَتَبْتَنَا » عِنْدَكَ فِي أَمِّ الْكِتَابِ شَقِيًّا « أَشَقِيَاءَ » أَوْ مَحْرُومًا « مَحْرُومِينَ » أَوْ مَطْرُودًا « مَطْرُودِينَ » أَوْ مُقْتَرًا عَلَيَّ

« عَلَيْنَا » فِي الرِّزْقِ فَاْمَحْ . اللَّهُمَّ بِفَضْلِكَ شَقَاوَتِي « شَقَاوَتَنَا » وَ حَرْمَانِي « حَرْمَانَنَا » وَ طَرْدِي « طَرْدَنَا » وَ اقْتَارَ رِزْقِي « رِزْقَنَا » وَ أَثْبَتِي « أَثْبَتْنَا » عِنْدَكَ فِي أَمِّ الْكِتَابِ سَعِيدًا « سَعْدَاءَ » مَرْزُوقًا « مَرْزُوقِينَ » مُوفِّقًا « مُوفِّقِينَ » لِلْخَيْرَاتِ فَإِنَّكَ قَلْتَ وَ قَوْلِكَ الْحَقُّ فِي كِتَابِكَ الْمُنَزَّلِ عَلَيَّ لِسَانِ نَبِيِّ الْمُرْسَلِ يَمْحُو اللَّهُ مَا يَشَاءُ وَ يَثْبِتُ وَ عِنْدَهُ أُمُّ الْكِتَابِ . إِلَهِي « إِلَهِنَا » بِالتَّجَلِّيِ الْأَعْظَمِ فِي لَيْلَةِ النَّصْفِ مِنْ شَعْبَانَ الْمُكْرَمِ الَّتِي يُفْرَقُ فِيهَا كُلُّ أَمْرٍ حَكِيمٍ وَ يُبْرَمُ أَنْ تَكْشِفَ عَنِّي « عَنَّا » مِنَ الْبَلَاءِ مَا أَعْلَمُ « نَعْلَمُ » وَ مَا لَا أَعْلَمُ « نَعْلَمُ » وَ مَا أَنْتَ بِهِ أَعْلَمُ إِنَّكَ أَنْتَ الْأَعَزُّ الْأَكْرَمُ . وَ صَلَّى اللَّهُ عَلَيَّ سَيِّدِنَا مُحَمَّدٍ وَ آلِهِ وَ صَحْبِهِ وَ سَلَّمَ

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Махди-хаджи МУТАИЛОВ</p> <p>Главный редактор Зурбек (Абдулла) ЯИКБАЕВ</p>	<p>Редактор Шамиль ОМАРИЕВ</p> <p>Заместитель редактора Иса ОМАРОВ</p> <p>Канонический редактор Давуд-хаджи ТУМАЛАЕВ</p> <p>Менеджер Абдусабир АХМЕДОВ</p> <p>Дизайн, верстка Мухаммад МУСАЕВ</p>	<p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20</p> <p>Заказ № _____</p> <p>Тираж 2100 экз. Сдано в печать 30 апреля 2013 г. в 17:00</p>	<p>Индекс 51388</p> <p>Адрес редакции 367015, РД, г. Махачкала, ул. Аскерханова 13а. Тел.: (8722) 51-85-22.</p> <p>По вопросам подписки и доставки обращаться по телефону: 914-222, 8-988-291-42-22.</p> <p>E-mail: assalamlak@mail.ru www.assalam.ru</p>
---	--	---	---

Хъусраццатусса Вали Хіажисуллу

ХъхъичІа заманнай Хъусраци-ял шяраву яхъанай бивкІун бур оърмулул угъарасса уссугу ва щар къавхъусса ссугу. Му уссингу учайсса бивкІун бур Хіажисуллу. Халкъуннал бусласаврин бувну, Хіажисуллу чак байсса, диндалул за бувчІайсса, дуаь дайсса, дару бан кІулсса адимина ивкІун ур.



Ца къинирдал къини шяраваллил агъалинайн дирссар тІар оьккисса азар вабаъ (ягу тІаоьн - холера). Щала щарнил агълу мюрши-хъуни литІлай бавчун бур. Яла чІявуну литІлай бивкІун бур жагъилтал. ЧІявусса щарнил халкъ ливтІун бур. Карунних буччин гуж къахъанай, хъурссух бучлай бивкІун бур. Щарнил жямат Аллагъ Тааьланайн лабизлай бивкІун бур. Аммарив бивкІурду гава куццуй чІявусса бивкІун бур. Шяравусса халкъуннал Хіажисуллул ссихъ миннат бувну бур: «Лажиннича уссихъ цІухха, луттиравун урувгун кІул ба уча, ва азаруннин ци дарман бан аьркинссарив», - тІий. Ссугу цила уссихъ чІа тІун бивкІун бур: «Къабюхъайссаривкъай, вила зумуну

Аллагъ Тааьланахъ циняв халкъуннал цІания дуаь дурну, ва цІуцІава дацІан дан, ци бан аьркинссар куну цІуххаву дуван», - тІий. Хіажисуллуллу цала ссихъ увкуну бур: «Буссар, ттул ссу, мукунсса жхуллу, Аллагъ ТааьланачІари щаллагу каши. На дуаьгу дуванна, дарман хъунтІиссар, амма ттулламур

жан къурван хъунтІиссар», - куну бур. Ялагу ганил уссихъ увкуну бур: «Ус-сай, инава ивчІарчагу, дувакьай дуаь литІлатІиминнал хъхъичІ икІанхъува», - куну. Цал дуаь даннин Хіажисуллул цала ссийх бацІан бансса чару бувну бур, га чарийгу чивчуну бур сура «Ясин».

Ссихъгу увкуну бур: «Ва чару вихва бацІан ба», - куну. Яла лавгун ур цувагу зунттавунай. КІиха лавсун увкІун ур ккурккисса чарил ккуза. КІа ккузагу хъатлия хъатлийн бутлай, бигъану лавсун увкІссар тІар. Ахттакъунмай хІатталлул хъхъичІунгу увкІун чаклингу ивссуну, язисса яннагу ларххун, лавхъун кІа ккурккисса чарийнгу, каругу тІиртІуну дурссар тІар дуаь. КІа дуаь дурну къуртал шайхту, Хіажисуллу кІа цІана кІиккува рухІ дурккуну, къурван хъуну ур. Щарнил жяматрал кІа цува ивкІусса кІанай Хіажисуллу увччунугу ур. Вали увччусса къинилия шинмай Хъусрациял шяраву бивкІугу къавхъуссар тІар, ва азаргу дарцІуну, къашаваймигу хъин хъуну бур. Шяраваллил жяматралгу бувну бур зиярат Хіажисуллул цІанийсса. Укунмасса зиярат цамургу Къакъурув Чартти бакІух буссия тІисса тІар бур. Я Аллагъ, Хіажисуллул барачат бияннав Хъусрациял шяравун ва циняв лакрал шяраваллайн.

Аьйшат Хіажиева

Аьли-асхІаблул ﷺ варантту бавчІусса куц

Аьли-асхІаблул ﷺ заманнай аьрабустаннай хъанай бивкІсса иширттал мунал элмулул куртІшиву чІалачІи дуллай дур. Идавсилгу ﷺ увкуну бур: «На элмулул шагърура, Аьли му шагърулул къапури», - куну. Мукун куртІсса элму-кІушлилул хъхъири ивкІссар Аьли-асхІаб ﷺ. Мунал оърмулул къиссарду буккайсса инсан хІайран хъуну личІай.

кІилчинма – шанма бутІул ца бутІул, шамулчинма – урчІва бутІул ца бутІул. Чун ларгукун ми варантту чІяву хъанай, цинугу ацІния арулва хъуну бур. Ца чІумал миннан пикри хъуну бур цала архІалсса маэшат бавчІуну, гъарцаннал цала-цала бутІа ласун. Амма цукун хІисав буларчагу, ацІния арулуннива цуманан цими варани багъайссарив хІисав миннаща бювхъуну бакъар. Гай варантту цайхва тІайлану бачІингу ччай, амма гъарцаннан багъайсса бутІа кІул бан къахъанай пашманну бивкІун бур шамагу гъалмахч. Мьяйжаннугу, ацІния арулва я кІиннийх, я шамуннийх, я урчІуннийх бачІин шайсса иш бакъар:



макъала:Ибрагъим Аьлиев

Ца бусала бур, шама аьрабнал бивкІун бур къутІи дурну, цачІуну залушиву дуллалисса варантту. Ца ивкІун ур гай варанттал бачІиминнул заллу,

17 ÷ 2 = 8.5, 17 ÷ 3 = 5.67, 17 ÷ 9 = 1.89. Ци банссарив къакІулну ливчІсса дустурал пикри хъуну бур Аьли-асхІаблул ﷺ лавгун, цалва дянив хІукму

бува учин. Миннал суалданухгу вичІи дирхъуну, Аьли-асхІаблул ﷺ гацІана увкуну бур: «БучІирив зул варанттавух ца ттуламургу ита бакъин?» - куну. «БучІир, циванни къабучІисса»,

– хъиннува ххари хъуну бур дустал. Утти ацІния мьяйва варани хъуну бур. Яла Аьли-асхІаблул ﷺ гай варантту бигъану бавчІуну бур, гъарцанан цала-цала бутІа хІисав бувну: Цалчинмананан: 18 ÷ 2 = 9 – урчІва варани. КІилчинманан: 18 ÷ 3 = 6 – ряхва варани. Шамулчинманан: 18 ÷ 9 = 2 – кІива варани. Му куццуй гъарцаннал бутІригу бавчІукун, гайннал цинугу ацІния арулва варани бувцуну бур (9+6+2=17). АцІния мьяйнива ливчІсса цагу Аьли-асхІаблул ﷺ «Ваттулмур бунуккар», - куну, цалва варани махъунмай бувцуну бур.

Ахир хайр

Жунма щил-бунугу хъинбала байхтту жува «вил ахир хайр даннав» учару. Цири вай мукъурттил мягна? Цукунни ахир хайр шайсса?

макъала: ХІусайн Шатиев

Яла хъинмур ахир – имандалий, бусурманну ва дуниял къадитавури. Хъунисса аьлимтурал луттирдаву инсаннал рухІ имандалий ласаврил жура-журасса сававру бувсун бур. СиратІрал ламуйх лахъан хъуншиврул, Идавсил ﷺ шафааьт бияншиврул, Идавсил ﷺ гъалмахчуну икІаншиврул, ганал хІавзрая хІачІан хъуншиврул, ахиратрал шагъид хъуншиврул, Къиямасса къини Аьршрал ххютулу икІаншиврул, Къиямасса къинилул захілатшивуртту бигъа хъуншиврул ва цимурцагу ахиратрал хъиншивуртту дияврил савав хъанахъиссар инсан бусурманну ва дунияллия лагаву. Гай кІицІ ларгсса хъуншивуртту ахиратлуву инсаннайн дияврил шартІну хъанахъиссар имандалийсса бивкІу. Хіадисраву бувссса куццуй, гай хъуншивуртту дияншиврул байсса аьмал бувсса бусурманчув исламраву ивчІантІиссар увкуну бур. Му тасттикъ бувну бур имам Ан-Нававинал ва

цаппара цаймигу аьлимтурал. Имандалий рухІ ласаврил сававру хъанахъиссар: - Чаклин иссайсса чІумал дуккайсса дуаьртту дуккаву; - КъюлтІсса садакъа баву; - МухІаммад Идавсил ﷺ гъаттайн зиярат баву ва ганахъ василат чІа учаву; - Ятинтураха аякъа даву; - АцІния кІира шинай акбар тІий будунну зузаву; - Мизитрава чапалшиву дуккан даву; - Дяркъу дусса чІумал камилну чаклин иссаву; - Маскидул-Акъсалив айивхъуну хІаж ягу оьмра баву; - Чивисса оьрчІ ивчІарча, Аллагънайн ﷺ хІамдгу бувну таржиъ баву («Инна лиЛлягъи ва инна иляйгъи ражиоьн» увкуну); - ИвкІуманал ялув мукъцІала инсаннал шанма ца бувну жаназалул чак баву, га имандалий лавгшиврул лишанни; - КІюрххил чаклил хъирив, чак бувсса кІанайва щяивкІун баргъ гъаз хъуннин Аллагъ ﷻ кІицІ лаглай даим хъанахъаву. - Сура «Бакъаратрал» ахирданийса аятру дурккуну, гай дурккусса къини ивчІарча; - Чакливу суждалий «Я мукъаллибаль-къулюб саббит

къалби аьля диника» кусса дуаь даву; «Бугъятул-мустаршидин» тІисса луттираву чичуну бур гъарца маркІачІан чаклил хъирив мукъилла истигъфар даву ахир хайрданийсса хъун даврил сававну хъанахъишиву: «Астагъфиру-Ллягъа-лязи ля илягъа илля гъуваль хІаййаль къаййума-лязи ля ямуту ва агубу иляйгъи рабби-гъфирли» — увкуну. Ялагу увкуну бур, маркІачІан чаклил хъирив цамур гъалгъа баннин ва салават дуккаймаанал рухІ имандалий ласайшиву «Аллагъумма салли аьля саййидина МухІаммадин ва аьля алигъи ва сахІбигъи биаьдади кулли хІарфин жара бигъиль къалям». Вай бакъассагу, гъарца чаклил хъирив «альхІам», «алифлам», «аятул курсий», «амана ррасулу», «къульгу», «фалакъ», «нас» суарду буккавугу имандалийсса бивкІу бучІаврил сававруну хъанахъиссар. Мукунма, хІадисраву пулансса аьмал бувсса инсан Алжаннавун уххантІиссар, ягу дуржагърая ххассал хъунтІиссар увкуну бухъурча, му аьмалгу хъанахъиссар ахир хайр дайсса аьмалну. Аллагу Таьаланал жулла рухІру имандалий ласун даннав, цинявпагу бусурман питна-балардаща буруччиннав!

Чак байсса куц

Аллагьнал ﷻ халкъ ляхъангу бувну, оьрмугу буллуну, ризкьигу буллуну бур гьарцаннан ва дунияллий. Ми неьматру булаву бакъасса, жуйва ялув буржругу бивхьуну бур. Ца мукунсса, чара бакъа бан аьркинсса бурж хъанай бур кьинилун ххюва чак баву. Муниву цукунчавсса захматшивугу дакъар, цанчирча, ца чак бан ххюра-ацйра минутй диял шай. Жула буккултрал миннатрайн бувну, ришлай буру чак байсса куц лахъхьин буллалисса макъала.

Чаклил шартйру

Шартй учайссар чак буллай айишиннин ва буллалисса чумал дуруччин аьркинсса затирттайн, мигу ххюра дуссар:

- 1) Чаклин ивссуну иклаву;
- 2) Чурх, янна ва чак байсса клану марцйсса, нажас дакъасса биклаву;
- 3) Аьврат (чара бакъа клучй дан аьркинсса базурду) клучй баву;
- 4) Чаклил чун дуркшиву клул шаву;
- 5) Кьиблалин лажинну клура аяву;

Ракааьтру

Гьарца чакливу диклайссар цинна-цинна ккаккан дурсса ракааьтру: клюрххил – клира, ахттайннай – мукъра, ахтакъуннай – мукъра, марклаганнай – шанна, хъатланнай – мукъра.

Чак баврил низам

Ялув чирчусса шартйругу щаллу дурну, Кьиблалул чулухунайгу урувгун нийят дайссар, масала: «На нийят дурунни ахттайн чаклил фаризасса



Нийят.

мукъра ракааьт дан, Аллагь акбар» – куну, клирагу канил хъун клисри вичал лахъшиврийн бияннин гьазгу дурну, хъазамраяр чансса яларай куямур каний урчамур дишайссар.



Альхам.

Кла «Аллагь акбар» увкусса махъ учайхтту инсан чакливу уссар. Му куцуй авцуну унува буккайссар сура «аль-Фатиха» (Альхам). Альхамрал хъирив клулманал «кьулгьу» ягу цамур сура буккавугу хъинссар. Мунил хъирив гава куцуй



Рукуь.

кару гьаз дурну, «Аллагь акбаргу» куну, хъхьичлунай кьус ивкун, кару никирттай дирхьуну рукуь дайссар. Рукуьрай шамилва «субхана раббияль аьзим ва бихамдигьй» учайссар.



Иътидаль.

Ялагу гара куцуй каругу гьаз дурну «самиаблагьу лиман хламидагь» увкуну тйайла ацланссар (иътидаль). Тйайла авцукун «раббана ва лакаль хамд» учаву суннатссар. Яла «Аллагь акбар» увкуну цалчинмур сужда байссар, цал никру рирщуну, яла



Сужда.

кару дирхьуну, яла ненттабакй бивхьуну. Суждалува шамилва «субхана раббияль аьля ва бихамдигьй» учайссар. Хъирив «Аллагь акбар» увкуну клилчинмур сужда баннин чансса хлаллай никирттай щяиклан аьркинссар. Яла клилчинмур сужда байссар, клав куцуй «Аллагь акбар» увкуну. Суждалува чара бакъа ненттабакй, кару, никру ва ччаннал клисри щяв лавну биклан аьркинссар. Килчинмур сужда баврийну цалчинмур ракааьт кьурталссар. Килчинмур ракааьт даншиврул «Аллагь акбар» увкуну ивзун ччаннай ацйайссар. Килчинмур ракааьтрал клилчинмур сужда бувну махъ дуккайсса «Аттахийяту»: «Аттахийятуль мубаракату-с-салавату-тй-тйаййибату лиллагь. Ассалямю аьлайка аййугьа-н-набийю ва рахлматуллагьй ва баракатугь. Ассалямю аьлайна ва аьла збадиллагьй ссаилихин. Ашгьаду алля илягьа иллял-



Аттахийяту.

лагь ва ашгьаду анна Мухаммада-р-расулюлагь. Аллагьумма салли аьла сайидина Мухаммадин ва аьла али сайидина Мухаммадин ва саллим». Аттахийятулу «иллялагь» тйисса мукъучан ивукун, урчамур канил клисса чансса гьаз бувну



Аттахийяту.

бугъайссар, аттахийяту дурккуну кьуртал хъуннин сукку къабуллай. Мукунна дайссар шамулчинмур ва мукъулчинмур ракааьтругу. Махъра-махъсса ракааьтраву «аттахийяту» дурккуну махъ, щяивкун унува салам булайссар цал бакй урчйа чулиннай клура даян дурну, яла куя чулиннай клура даян дурну, кйивагу



Салам.

чулухунмай «Ассаламу аьлайкум ва рахлматуллагь» увкуну. Ванийну чак кьурталссар.

«Кьунут»

Клюрххил чакливу клилчинмур ракааьтрай рукуьрая гьаз шайхтту, дуаь дайсса чумал кунна каругу хъхьичун дургьуну дуккайссар дуаь «Аль-Кьунут» («Магьдина»): «Аллагьуммагьдини фиман гьадайт, ва аьфйни фиман аьфайт, ва таваллани фиман таваллайт, ва барик ли фима агтлайт. Ва кьйни бирахлматика шарра ма кьазайт, фаиннака такъзи валя юкьза аьляйк. Ва иннагьу ля язиллю мав-валяйт, ва ля яззу ман аьдайт. Табаракта Раббана ва таагьляйт. Фалякяль-хамду аьля ма кьазайт. Астагьфирука ва атубу иляйк. Ва саллялагьу тааьля ва салляма аьля хайри халкьыгьй Мухаммадив-ва аьля алигьй ва асхлабигьй ажмаэн, раббигьфир вархам ва анта хайру-ррахлмин».

Тавба дувара

Бачира, уссурвал, тавба даннуча, «Гьунтти данссар» тйисса пикри къабивтун. Гьунтти ци бучлавив жунма къаклулссар, Анавар буккану тавбалий бацлан.

Циняв жува бувсса оь амалдая Чантй увкуну «Астагьфирулагь» чинну. Цимилул Заллусса, Рахлману-Рахлим, Я Бюхттулсса Аллагь, шюша бунагьру!

На лагьшиву дуван ляхъусса лагъра, На бувсса бунагьру багьйшла бити.

Тгуй цими ба Аллагь, тавба кьамул да, Ина акъа цама Зал акъассархха!

Бувсса бунагьирттал дакй ччуччин дуври, Цими къабиширча, на чун ххяххава? Къабуванна Аллагь ﷻ Вин сси бизаймур, Ялтту учйу Вила заэвсса лагьнал.

Ина акъа цама мягьбуд акъассар, Так Вийн бакъа хьулгу дакйниву бакъар. Бунагьру шювшуну, дакйру марцй дурну Вилва хъхьичй бацан ба ахиратлува.



Нитти-буттал рязишиву тIалав дувара!

ХIакъинусса къини, Ахирзмана гъан хъанахъисса чIумал, жунма кIулли Дагъусттаннай нитти-буттан хIурмат баву ялу-ялун лаглай, чан хъанай бушиву. Мунил цалчинмур аьй цайра нитти-буттай хъанахъиссар, цан чирча, агана миннал цала чIумуй оьрчIан дин-ислам лахъхъин дурссания, хIакъину укунсса иш къабикIантIиссия. Чивину бусса чIумал оьрчIру нитти-буттая нигъ дунутIий мютIий хъанан бикIай, хъуни хъувкуннив, нигъгу ларгун, ми тIайла бацIан бан бюхълан къабикIай. Аьлимтал тIий бур, нитти-буттаха хIурмат бан аьркиншивруя бусласисса Къуръанналул аятру ва Идавсил ﷺ хIадисру къабивкIссаниягу, чансавагу аькьлу бусса инсанан цанма бувчIинссия нитти-буттаха хIурмат бан аьркиншиву. ХIакъинусса къини мукунсса аькьлу бусса инсантал чанну бухънссар.

макъала: Расул Аьбдуллаев

Нину-пшу рязи бан аьркиншивруя жухъва бусласисса хIадисру хъинну чIявусса бур. Ибну Аьббас тIий ур: «Муьминчув цайвацца фарзру биттур буллай ухъурча ва мунал нину-пшу муная рязину бухъурча, аькь бакъа мунал Аллагънал ﷻ Аьджаннавунсса кIива къапугу тIитIайссар. Нину-пшу рязину бакъахъурчарив, циксса эбадат дулларчагу, Аллагънал ﷻ мий къапурду лакъайссар». Муса Идавс тIий ивкIун ур Аллагънахъ ﷻ: «Я Рабби, ттун васият бува». Аллагъналгу ﷻ увкуну бур: «На хъама маитара, На мудан дакIний ити». Яла Муса Идавсил кIилчингу увкуссар: «Ттун васият бува, Я Аллагъ ﷻ» - куну. Аллагънал ﷻ увкуссар: «Вила ниттин хIурмат ба, вила нину рязи дува». Шамийлчингу Муса Идавсил увкуссар: «Я Рабби, ттун васият бува». Аллагънал ﷻ увкуссар: «Вила буттаха хIурмат-къуллугъ бува, бутта рязи ува». Ва хIадисрайну жунма бувчIлай бур, цалчин жулла нину рязи дан, яла хъирив бутта рязи ан аьркиншиву. Мукунма, Аьбдуллагъ ибн Оьмар буслай ур: «МухIаммад ИдавсичIан ﷺ ца жагъилсса инсан увкIуна, ттун Аллагъу Тааьланал ххулий джигъад буллай ччай бур тIий. Идавсил ﷻ ганахъ цIувххуну: «Вил нину-пшу сагъну бурив?» Ганал буссуна цалва нину ва пшу сагъну бушиву. Идавсил ﷻ увкуну: «Миннаву буссар вил джигъад. Миннаха хIурмат баву, ми рязи бавури вил джигъад», - куну. Къуръандалува Аллагъу Тааьланал ﷻ буссар шанма аят гъан бувну, гьарцаннува кIи-кIива амру бусса. Ми амрурдавацца ца биттур къабулларча, вавургу хIисав къашайссар. Цалчинмур аятраву тIий буссар чак буван аьркиншиву ва закят булун аьркиншиву. Циксса чIявусса чакру булларчагу, хъуслия закят къабулларча, бусса чак къамул къабайссар. КIилчинмур аятраву буссар Аллагънайн ﷻ ва МухIаммад Идавсин ﷺ мютIи хъун аьркиншиву. Агана инсан ухъурча Аллагънайн ﷻ мютIийну, амма мува чIумал Идавсин ﷻ мютIийну аькьхъурча, мунал Аллагънайнсса ﷻ мютIишивугу



къамул къадайсар. Шамулчинмур аятравугу тIий буссар муьминчув Аллагънайн ﷻ ва цалва нитти-буттайн шукрулий икIан аьркиншиву. Инсан Аллагъу Тааьланайн ﷻ шукрулий ухъурчагу, нитти-буттайн шукру къабарча, ми рязи къабарча, мунал Аллагънайн ﷻ бусса шукругу къамул къабайссар. Ца инсаннал МухIаммад Идавсигъ ﷺ цIувххуссар: «Я Расуллагъ, инсаннал байсса аьмаллава яла ххуйми цумири?» - куну. Идавсил ﷻ увкуссар: «Цалчин цилла чIумуй бувсса чак, кIилчин нину-пшу рязи баву, шамийлчин Аллагънал ﷻ ххулий джигъад баву». Ва хIадисрава жунма чIалай бур джигъад баврияргума нину ва бутта рязи баву, миннаха хIурмат баву агъамсса бушиву жулла динналува. Бусала бур Идавсил ﷻ заманнай ца жагъилсса инсан ивкIшиву Аьлкьамат тIисса. Мунал чIявусса чакругу байсса бивкун бур, садакъагу бачIайсса бивкун бур. Ца къини му хъинну захIматну къашавай хъуну, ивчIавай ивкIун ур. Мунал шарссанил МухIаммад ИдавсичIан ﷻ инсантал гъан бувну бур. Идавсигъ ﷻ Аьлкьаматлун ци бан аьркинссарив цIуххин. Идавсил ﷻ ганачIан гъан бувну бур цалва асхIабтал, миннацал ивкIун ур Билал-асхIабугу. Аьлкьамат ккавкун, асхIабтурун бувчIуну бур га ивчIан най ушиву. АсхIабтал тIун бивкIун бур ганахъ «Ля илягъа илляЛлагъ» уча тIий. Аьлкьаматрив, маз бавхIусса куна, цичIав учин бюхълай ивкIун аькьар. Цуксса хIарачат булларчагу, гайннаца учин ан къабюхъуну бур. Яла Билал-асхIаб ИдавсичIан ﷻ лавгун, Аьлкьаматлун хъанахъимур бувсун бур. Расуллагънал ﷻ цIувххуну бур: «Мунал нину-пшу сагъну бурив?» - куну. Ганал хъуннар хъусса нину диркIун дур сагъну. Идавсил ﷻ увкуну бур Билаллугъ: «Насу анаварну мунал ниттийн шиккун оьвча, ганища бучIан бюхълай бакъахъурча, жува ганичIан гъанну». Билал-асхIаб лавгун ганичIан бусвун бур оьрчI захIматну къашавай ушиву, ва бюхълай бухъурча ИдавсичIан ﷻ бухъхъу куну бур. Га бувкIун бур МухIаммад ИдавсичIан ﷻ Билал-асхIаблуцал архIал. Идав-

сил ﷻ ганихъ цIувххуну бур: «Вин вила оьрчIал та-бунугу къаччан бикIан бувссарив?» - куну. Чансса пикригу бувну ниттил бувсун бур цичIав къаччан бикIансса ганал къабувшиву, так ца зад личIаннин: Аьлкьаматлун цала шарсса ниттиар ххирану диркIун дур. Му иширал ганал ниттин чансса къаччан бикIан байсса бивкIун бур. Идавсил ﷻ цIувххуну бур: «Вища вила оьрчI багъишла ан бюхъансарив?» - куну. Ганал увкуну бур: «Ттуца му багъишла ан къахъунсар» - куну. Микку Идавсил ﷻ увкуну бур асхIабтурахъ: «Пама датIияра, цIу дирхъуну Аьлкьамат ччуччин багълай бур, мукун бакъа мунал бунагъ марцI хъун тIий бакъар», - куну. Ганал ниттил увкуну бур: «БацIияра, ттула оьрчI цIараву ччуччIачаву ттуца бухIан къахъунсар!» - куну. «Дуржагъравусса цIу ванияр цукссагу гужсса дикIайссар. Вила оьрчI гивун агъарча ина цукун бюхIанна?» - цIувххуну бур МухIаммад Идавсил ﷻ. Му чIумал Аьлкьаматлун ниттил увкуну бур: «Хъинни, на му багъишла уллалиссара, на муная рязиссара». Гай махъру баяйхтту, Идавсил ﷻ Билал-асхIаб гъан увну ур Аьлкьаматлун цивхъуну бурив ххал бан. Билал ганал къатлугъан ивкун, ганан бавну бур лахъсса «Ля илягъа илляЛлагъ» тIисса Аьлкьаматлун чIу. Вана укун, ниттил багъишла итайхттува маз итхъавхун, шагъадатгу дуркуну ивкIуну ур Аьлкьамат. Ва бусалалийну жунма чIалай бур, цукун ххуйсса инсан унугу, нину ягу ппу муная рязи бакъа бухъурча, ахир хайрданин къадуккан бюхъайшиву, ва дунияллия Иман дакъа лагаврия нигъ душиву. Цанасса чIумал инсантал бикIай чIявусса суннатсса чакру буллагъисса, садакъа бачIлагъисса, цаймигу чире бусса задру дуллагъисса, амма цалва хъунив хъусса нитти-буттачIан зуруй цалвагу къалагайсса. Мукунминнан кIулну бикIан аьркинни, фарз къабивтун суннат баврия хайр бакъашиву. Аллагънал ﷻ жулва нитти-буттал бунагъру шюшиннав, ва ми рязи бансса аьмал жунма булуннав. Амин.

Аьй шийри?

ХIакъину халкъуннан «Ислам» тIисса махъ личи-личисса мяънардай бувчIлай бур.

Цавайннахъ цIуххирча, Ислам так аьдатирттайн кIура дарну дур. Миннал тIимунин бувну, дин дайсса инсантал оьрмулуву гайминная махъун багъну, хъхъичIазаманнай куна ялапар хъанай бур. Мукунминнал учай: «Жул жулва оьрму бур, муниву динналун кIану бакъассар». Цайминнан чIалай бур динналуву тIайлашиву душиву, амма миннал оьрмулувугу Исламан ялттувацца кIану буллуну бур. Миннал учай: «Жу Аллагънайн ﷻ вихру, амма уттигу дин дуллагъисса кIанайн къабивру». Укун тIутIиминнан динналул мяъна дурчIлай дакъашиву чIалай бур, цан чирча, динналул инсан цалва оьрму бутавриву цукунчIав къума уллай аькьар. Инсантурал оьрмулул багъу-бизу, так ца эбадатарал чул бакъасса, цаймигу хъинну чIярусса личи-личийсса сававрдая сакин шайссар. Масалдаран, ласунну чув-бунугу зузисса кIия зузала. Цалчинма ур цала даврийну лагма-ялттуминнан бигъашиву дурну, мюнпат биян бан ччай, цалла дурсса даврин лайкъсса харжгу лавсун, кулпат ябаншиврул. КIилчинмарив ур так ца харжирал цаний зий. Цалла даву ялттура дуллай, цалва гайминнан биян буллагъисса заралдания пикри къабувну. Укуннасса личишиву дуссар дакIнихтуну Аллагънайн ﷻ вихну, Шариатрайн бувну оьрму бутан хIарачат буллагъиманалгу, дин укуннасса аьдатрайн кIура даен дурманалгу. Зува пикри бувара, Аллагънагъ ﷻ нигъа къаусайсса инсан цалла даврих, лагма-ялттуминнахъ цукун урганссар? Бюхъай мунал оьсса тIуллу къадуллан, инсантурал цайнма махъ къаучиншиврул, ягу танмихI къабаншиврул. Мукунминналли бигъанма наркотикру бувну баххайсса, заралсса дарурду, дуки-хIачия дайсса, миннуя халкъуннан хъинну хъунмасса зарал бушиву кIулну бунува. Му хъанахъиссар диркIусса Иманналул лишан. ЧIаравсса агъалинан зарал биян баврия инсан Исламрал уруччайссар. Дунияллий инсантал ляхъан бувния шинмай, Аллагъу Тааьланал Цалва ИдавстурайхIин ва ЛуттирдайхIин миннай марцIшиврийн ва тIайлашиврийн оьвтIий ур. Идавсил ﷻ буссар хIадис, инсан цанма ччимур гаманангу ччай, цанма къаччимур гаманангу къаччай икIан аьркиншиву жухъва бусласисса. Ва хIадисрацал чIявумий рязи шай, амма ванил тIимунийн бувну аьмал буллагъимий чансса бур. Исламрал яла агъаммий гъанурду хъанахъиссар – рахIму, сахаватшиву, хIурмат бушиву, дакъаву. Къуръанналува Аллагъ ﷻ амру буллай ур циняв бусурманнайн лагма-ялттуминнацалсса багъу-бизулуву хъиншиву, тIайлашиву дувара тIий. Цинявпагу халкъуннал Аллагънал ﷻ хъхъичI жаваб дулунтIиссар цалва бивзсса гьарца шаттирах. Цана бур цавай инсантал, бусурманнал чулуха ци-дунугу тIайладакъашиву дуккарча, ягу гайннал бунагъ барча, щаллагу динналий – Исламрай аьй дуллагъисса. Цивпа бусурманнан ккалли буллагъимий динналул ххуллу багъайкун бувгъуну най бакъахъурча, Исламрайсса аьй цире? Гайми бусурманнал диялдакъашивурту ккаккан дуллай, чак къабуллагъиссагу баву, чак байсса ганал уку-тукунсса бунагъру бай, на чак къабарчагу, гай бунагъру къабувара, на ганаяр марцIссара, ттун чак къабангу бучIиссар тIий. Аммарив Къиямасса Къини гьарцаннал цалва-цалва бунагъирттахри жаваб дулунтIисса. Аллагънал ﷻ жулва му къини цIими бишиннав, МухIаммад Идавсин ﷻ шафааьтгу жулнма биян баннав! Амин.

Чак гьунтти баннав?

Мухаммад Идавсил ﷺ **увкуссар:**
«Чак – диннул ттарцири. Чак
къабивтманал му ттарци гьагъан
дурссар»

макъала: Рамазан Къурбанов

Жува Аллагъу Тааьланал бусурманну ляхъан баву хъунмасса неъматри. Мукун бухъувкун, му неъматрахсса щукру къабулларча, Аллагънал ﷻ му жучлатува ласун бюхъайссар. Щукру баву – так ца «Альхамдулиллагъ» учаву къахъанхъиссар. Щукру муданмагу буллан аьркинссар. Цукун? Цалчин, чак, зума, закят ва цаймигу Заннал жуйва бивхъусса фарзру биттур баврийну. Килчин – Аллагънал ﷻ хларам дурмуния махъунай шаву. Чак къабитайсса инсаннал хъунмасса бунагъ буллалиссар, муних къулагъас къадуллай, «на даврий ура», «чал хъанай ура», «цлана чак бансса сант дакъар» ва цаймигу щайтаннул лахъхъин бувсса багъанттугу буцлай. Ми багъанттайну муная чак баврил бурж яла къалагайссар. Жува бусурман бухъувкун, Мухаммад Идавсил ﷺ лавсун увкIмур къамул бувну, Къуръанналийн бувну оьрму бутлан хларачат бан аьркинни. Цивппа бусурманну тIссa инсантал бур хлакьинусса къини «на щинчIав зарал биян къабара, бунагъру къабара, на чак байманаяр марцIссара, мунияту ттун чак къабангу бучIиссар, чак бувача бунагъру буминнал» ягу «на къужа акъарахха чак булланшиврул, хъунав хъувкун банна» тIий. Пикри барча, укун тIимий бйакълай бушиву бувчIлай бур. Цанчирча, цалчин, Аллагъу Тааьланал чак баву так бунагъру байминнай ягу къари-къужрай ялув бивхъуну бакъанутIий. Чак байсса инсан аьркин дакъасса тIулу дуллай ухъурчагу, чаклийсса аьй цари?. Килчингу, чак къабаву – хъун бунагъри. Хъунав хъувкун чак буллай айишин ччисса инсаннахъ цIуххин ччива, инава хъунав хъуннин личIансса вин ча кIулли куну. Цанасса захIматсса чIумал жагъилмигу, хъунив хъумигу личIишиву дакъа Ахиратравун лаглай бур. Цуманащари хъунтIисса дакI дарцIуну, къанкъану учин на вайксса шиннардий ялапар хъунтIиссара, куну. Аллагънал ﷻ чичрулийну хъунав хъусса оьрмулийн ивну, чак буллай айиширчагу, Къиямасса Къини къабавну ливчIсса гьарца чаклих жаваб дулун багъантIиссар. Идавсил ﷺ увкуссар: «Къиямасса Къини Аллагънал ﷻ хъхъичI цалчинма-цалчин чаклих жаваб дулун багъайссар». Ялагу увкуссар: «Ца къабивтсса чаклих инсан арулцалла шиная Дуржагъраву икIантIиссар». Ва дуняллия лаглагисса чIумалгума, Мухаммад Идавс ﷺ жунма насихIат буллай ивкIссар къинилун ххюва чак булланшиврул. Мунийну жунма бувчIин аьркинни чаклихсса къулагъас хъинну хъуннасса дикIан аьркиншиву. Аллагънал ﷻ жува тIайласса ххуллу бувгъуминнавух баннав! Амин.

Гьаттаву чирахъ...

БАРХЪАЛЛАЛ МАЛЛАЙЛ ШЕЪРИРДАВАССА ЗИКРИ

Ва зикрилул ххирашив
КIулния инсантуран
Инсаннахъ дувай жуав
Зикрилину данссия.

Щил учирчагу даим
ЛА ИЛАГЪА ИЛЛАЛЛАГЪ
ДакIний бацIайссар къаим
ЛА ИЛАГЪА ИЛЛАЛЛАГЪ.
Буллалалимур тIайлассар
ДакI нурданул дуцIайссар
Чурх тачIав къалийссар
ЛА ИЛАГЪА ИЛЛАЛЛАГЪ.

Бувкку гьантри бух лавгун
Ина гьаттаву увххувкун,
Мункар-Накиртал бувкIун
Суал буллан бивкIкун,
Гьайбатирал цакъшиврул
Вин маз хъама бивтувкун,
Вихлува гьалгъа бансса
ЦучIав вин къалявкъукун,
Вин хIуччану бацIанссар
ЛА ИЛАГЪА ИЛЛАЛЛАГЪ.

Та Къиямасса Къини
МахIшарданий бавцIукун,
Заннаясса хIаялул
Лажин ятIул дирчукун,
КIиришиврул цакъшиврул
Вил ня щаран диркIукун,
Вин ххютну бацIантIиссар
ЛА ИЛАГЪА ИЛЛАЛЛАГЪ.

Та Къиямасса Къини
Аьмал буцIан бивкIкун,
Вил бунагъиртал цинцил
Тти кIу хъанан диркIукун,

Вил цинцилттуй бишинсса
Аьмал вин къалявкъукун,
Вил цинцилттай бацIанссар
ЛА ИЛАГЪА ИЛЛАЛЛАГЪ

Та СсиратIуллал ламуйх
Ина лавхъун авчукун,
Танил хъинну байлшиврул
Ччанну къукIан бивкIкун,
Ка дугъан кумаг буван
ЦучIав вин къалявкъукун,
Вин хъаттирдуну хъунссар



ЛА ИЛАГЪА ИЛЛАЛЛАГЪ.

МарцIну Идавсил тIааьт
ЛА ИЛАГЪА ИЛЛАЛЛАГЪ
Малаиктурал дуав
ЛА ИЛАГЪА ИЛЛАЛЛАГЪ

Циняв шайхтурал талкъин
ЛА ИЛАГЪА ИЛЛАЛЛАГЪ
Муриднал нурул мубин
ЛА ИЛАГЪА ИЛЛАЛЛАГЪ

Аьшикьтурал хIачIия
ЛА ИЛАГЪА ИЛЛАЛЛАГЪ
Абдалтурал дукия
ЛА ИЛАГЪА ИЛЛАЛЛАГЪ
АсхIабтурал лаххия
ЛА ИЛАГЪА ИЛЛАЛЛАГЪ

Алжаннул хъулул мугъру
ЛА ИЛАГЪА ИЛЛАЛЛАГЪ
Дужжгърал муххал бару
ЛА ИЛАГЪА ИЛЛАЛЛАГЪ
Аллагънал буюр бувмур
ЛА ИЛАГЪА ИЛЛАЛЛАГЪ
Жабраил лавсун увкIмур
ЛА ИЛАГЪА ИЛЛАЛЛАГЪ
Мухаммад ххари хъусса
ЛА ИЛАГЪА ИЛЛАЛЛАГЪ
Умматрахъ буюр бувсса
ЛА ИЛАГЪА ИЛЛАЛЛАГЪ

Иблис зурзу тIи баймур
ЛА ИЛАГЪА ИЛЛАЛЛАГЪ
Гьаттаву чанна чирахъ
ЛА ИЛАГЪА ИЛЛАЛЛАГЪ
МахIшарданий тIунтIисса
ЛА ИЛАГЪА ИЛЛАЛЛАГЪ

Мискинтурал ххазина
ЛА ИЛАГЪА ИЛЛАЛЛАГЪ
Пакъиртурал садакъа
ЛА ИЛАГЪА ИЛЛАЛЛАГЪ
Къадру лавайсса калам
ЛА ИЛАГЪА ИЛЛАЛЛАГЪ

Мазрал нахIусса гьалгъа
ЛА ИЛАГЪА ИЛЛАЛЛАГЪ
РахIмантурал ххуйшиву
ЛА ИЛАГЪА ИЛЛАЛЛАГЪ
ХIабибнал ххирашиву
ЛА ИЛАГЪА ИЛЛАЛЛАГЪ
Устарнал камилшиву
ЛА ИЛАГЪА ИЛЛАЛЛАГЪ

Баргъ лавгун цIан шайшиву
Жунма кIулну бухурча,
Чирахъ хIадур бувара
Чаннай щябикIан ччарча.
Къаритайшив кIулхурча
Ва фанасса дунял,
ДакIурдил тIутIи бара
ЛА ИЛАГЪА ИЛЛАЛЛАГЪ.

Тива цу зана хъуссар?

Телевидениелевух ца передачулу
ттун бавуна укунсса хавар: нит-
тил лякълуву кIива оьрчI бивкIун
бур ихтилат буллай. Ца ивкIун ур,
иман дусса, гама – дакъсса.

Иман дакъама: «Ниттил лякълува
бувккун махъгу оьрму бикIансса
ххай урав ина?»
Иман дума: «Щак бакъа
бикIантIиссар. Жува шиву буссару
хъиривмур оьрмулуву яхъун биялсса
гуж хъуннин хIадур хъанай.
Иман дакъама: «Ина ци тIий ура!
Ссайн вих хъанай ура? Мукун бикIан
къабюхъайссар! Вин кIулли та оь-
рму цукунсса бикIантIиссарив?»
Иман дума: «Ттун гьарзад къакIулли,
амма жува жулва ччаннай
занантIиссару, та оьрмулуву чани
бикантIиссар, жува жулва къацIлих
дукра канантIиссару.
Иман дакъама: «Ина ци магъри
буслай ура. Цалва ччаннай занан ва
цалва къацIлих дукра канан щища
шайссар? Жуйра цIун циван дусса

ххай ура, ванивухрихха дукия на-
нисса. На вихъ цал уттигу учин ччай
ура: ниттил лякълува бувккун махъ
цукунчIавсса оьрму бикIан къабюхъ-
айссар!»
Иман дума: «На вихну ура та оь-
рму цанасса оьрмулуяр ххуйсса
бикIаншиву. Тийх гьарзад цамур
куцIуй бикIантIиссар, му жулва
аькълулийну бувчIин шайсса зад
бакъар».
Иман дакъама: «Ина ци тIиссара.
Тива зана хъусса цучIав акъархха!
Жува лякълува буккайтту оьрму
къуртал хъунтIиссар. Щалва оьрму
цуппава – цаннавусса аьзаври»
Иман дума: «Ттун къакIулли та оьрму
цукунсса бикIантIиссарив, амма на
дакI дарцIуну ура тиву жунна нину
ккакканшиву. Ниттил жухара аякъа
дантIиссар».
Иман дакъама: «Нину? Ина ниттийн
вихрав! Нину духъурча, ккаккан да
ттун му!»
Иман дума: «Нину дакъассания
жуцава яхъун, суккувагу хъун

къабюхъантIиссия».
Вих акъама: «ЦукунчIавсса нину
дакъассар. ДиркIссания му ттун цал-
лагу ккакканссия!»
Ва магъа кунмасса бусала бавукун,
ттун дакIнин агъуна ца инсан:
«Вин ци кIулли ахиратраву ци
дикIантIиссрив, тива зана хъусса
са цучIав акъассархха», – тIисса.
ЧIавучин, укунсса суал буллали-
ми бикIай цивппа бусурманнан
ккалли буллалисса, амма гиччава
гиккун хъунисса бунагъругу байс-
са. Хъунасса аьлимчу Ибну ХIажар
аль-Аскъаланил чивчусса «ФатхIул-
Бари» тIисса луттираву увкуну бур:
«Бунагъиртал инсан чапуршиврийн
кIункIу айссар, мунияту мудан
бунагъру буллалима иман дакъа ва
дуняллия лагаврил нигъ дуссар».
Цинявпагу бусурманнан ялувссар
Аллагъу Тааьланал хларам бувмур
баврия арх хъун хларачат буллан,
цалла иман дуруччиншиврул. Ал-
лагънал ﷻ кумаг баннав!

макъала: Ибрагъим Ибрагъимов

Хатталлив зиярат баву



Бивкӱлуд жува яла ххирами ва гьанми инсантура личи бавуру. Дуниял мукун сакин дурну дур. Чун лаглай, гьанса инсан жучӱатува лагаврил къурчӱишивугу духлагай, ивкӱмагу хьама итай. Амма гайннан жува хьама къабитайссару, цацӱанма зияратрайн бучӱаннин ялугьлайгу бикӱлассар.

макъала: Шамил Омаров

Жуварив гай ххари бан гьаттайн чӱявуну къалагару. Аллагьнайн ﷻ шукру, шинай кӱилва, кӱирагу Байраннул гьантрай чӱявуминнан цалва ливтӱсса гьан-маччани дакӱнин багьну, гайннал гьаттардийн лагай. Аллагу Таьаланал хьунмасса чир булайссар уттава ягу ивкӱсса цала диннул усичӱан зияратрайн лавгсса бусурманчунан, му дакӱнихтуну марцӱсса нийятраш лавгун ухьурча. Хатталливсса гьаттардичӱан лагаврил мягна чир учирча, цалчин Аллагнахь ﷻ ивкӱманал бунагьру багьшла битаву чӱа учин, гайннаха Кьурьан буккин, инавагу ва дунияллий лахь кьалагантӱишиву дакӱнин бутан. Аьлимтурал тӱмунин буну, чӱявуну бивкӱ дакӱнин бутайсса инсаннан шанма мюнпат буссар: 1. Мукунсса инсан цалва бунагьирттая тавба дан анавар уккайссар. 2. Заннал ﷻ цанна дуллумуний рязину икӱлайссар. 3. Аллагу Таьаланана эбадат давриву хӱарачат булан икӱлайссар. Мухӱаммад Идавсил ﷺ увкуссар: «Хьхьичӱва на зу хатталлив гьан къабитайссия, уттирив на зуйн гиккун занан амру буллай ура, мунийну ва дунияллийсса оьрму панасса бушиву дакӱнин багьлай, дунияллуцӱансса кӱнкӱ тӱаву чан дуллай дунутӱий». Хатталлив зияратрайн гьан ччисса инсаннал цанма ва ливтӱмуннан хайр бияншиврул биттур дан аьркинсса шартӱру дуссар: 1. Шариьтарал ккаккан бусса куцӱуй янна ларххун икӱлан аьркинссар; 2. Хатталлив дунияллул хаварду буслан, лахьну вев-шев тӱий аьтӱн, цайминнал

цахара къулагьас дансса тӱллу дуллан къабучӱиссар. Хатталлив лагаву арамуран суннат хьанахьиссар. Зиярат бан яла хьинмур ва даража лаваймур чӱн хьанахьиссар хамис кьини ахттакьун чаклия махьсса чун, нюжмар кьини ва ххуллун кьини кӱюрххичӱнмай. Вай гьантри бакьасса, Кьурбан-байрам ва Эдуль-Фитӱрданул хьхьичӱсса гьантрайгу хатталлив лагаву хьинссар. Хьамитайпалун махӱрам архӱал акьа хатталлив гьан бучӱиссар, ласная ягу буттая ихтияргу ларсун, му хатталу хьамитайпа ялапар хьанахьисса шяраву духьурча. Хатталу шяраваллил кьатӱв духьурчарив, гиккун архӱал махӱрам акьа гьан хӱарамссар, мугу идавсил, аьлимчунал, шайхнал, валийнал ягу гьанса инсаннал зияратрайн най бухьурча. Мухӱаммад Идавсил ﷺ хӱадисрайн буну, вай шартӱру биттур къадурну хатталлив лавгсса инсаннайн наьна дийяссар. Зияратрайн увкӱн хатталлул къапулчӱан ивукун, га хатталлуву бувчуминнахьхун салам булайссар: «Ас-саламу аьалайкум дара кьавмин муьминин. Ва инна инша-Аллагу бикум лахӱикун». Яла «Альхӱам» бувккуну, гания хӱасул хьусса чир хатталлив бувчусса циняв бусурманнан булайссар. Яла урчӱамур ччан хьхьичӱ лавсун хатталлувун буххайссар. Бувххукун, цӱунилгу гава куцӱуй салам буллуну, «Альхӱам» буккайссар. Яла паракьатну цува увкӱсса инсаннал гьаттачӱан лагайссар. Ганичӱан ивукун, бакӱрал чулух ацӱавунияр, ччаннацӱ авцӱуну хьинссар. Мухӱаммад Идавсил ﷺ хӱадисрайн буну, ливтӱмуннан жува чӱалан бикӱлайссару, чӱугу баяйссар. Мукунсса тагьарданий бавцӱуну буккайссар ца «Альхӱам», шамма «Кьулгьу», «Салатуль-фатихӱа». Яла дуаь дайссар: «Я Аллагу, вай на бувккусса Кьурьаннул сурарду Ина кьамул бува, вайнну хӱасул хьусса чир хьхьичӱва-хьхьичӱ Мухӱаммад Идавсил ﷺ рухӱирайн биян бува, муькуь асхӱабнал, циняв Накьшубанди, Щазали,

Кьадари тӱарикьатрал устазтурайн, хаснува ттул устазнайну биян бува. Вайннал хӱурматрахлуну ва ахӱатталлив бувчусса циняв бусурманнайнгу, хаснува на зияратрайн увкӱманал рухӱирайнгу. Алхӱамдулиллаги раббиль аьламин. Аллагьумма салли аьла сайидина Мухӱаммадин ва аьла али сайидина Мухӱаммадин ва саллим». Яла «Бихӱурмати сирри суратиль Фатихӱа» куну «Альхӱам» буккайссар. Хьирив Сура «Аль-Бакьаралул» хьхьичӱмий ххюва аят, яла «Аятуль-Курсий» буккайссар. Хьирив кӱюрххил «Ясин», ахттайнмай «Аль-Мулк» («Табарак»), ахттакьунмай «Ан-Набаъ» («Аьмма»), маркӱачӱанмай «Ас-Саждат» ягу «Аль-Вахьиаъ», хьхьуйвай «Аль-Мулк» («Табарак») буккайссар. Хьирив «Кьулгьу», «Фалакь», «Нас», «Салатуль-Фатихӱа» бувккуну ларай чирчусса куннасса дуаь дайссар. Хатталлува буклакисса чӱумалгу гивун буххайни буккайсса сурардугу бувккуну, дуаь дайссар. Хатталлул къапулчӱан бивсса чӱумал гьаттардийн лажинну авцӱуну саламгу буллуну «Альхӱам» буккайссар. Хатталлува буккайссар куямур ччан хьхьичӱ лавсун. Кьатӱв бувккуну цӱунилгу хатталлул чулухунмай кӱура бавну саламгу буллуну «Альхӱам» буккайссар. Хатталлив зияратрайн лагаврия укун чичлай ур цалва луттираву Накьшубанди ва Щазали тӱарикьатрал шайх, хьунасса аьлимчу Саид-Афанди аль-Чиркави: «Нюжмар кьини цалва нитти-буттал гьаттардийн лавгун «Ясин» бувккусса инсаннан га суралуву цими хӱарп ва махь буририв, миксса бунагьру шюшайссар. «Аятуль-Курсий» бувкуну, Аллагнахь ﷻ ганихсса чир га хатталлуву бувчуминнайн биян баву чӱа учирча, гьарца гьаттаву нур духхайссар, гай гьарта шайссар. Мукунма, «Ясин» бувккуну ганихсса чир ливтӱмуннан булурча, гайннал гьаттавусса аьзав бигьа шайссар, бувккуманангу га хатталлив бувчусса инсантурал аьдадрайсса чир чичайссар. Мудангу адаб дурурчуну бикӱлан Аллагу Таьаланал жунма кумаг баннав. Амин!

Зикри баврия

Кьурьан буккавил хьирив, мазрал дайсса эбадат-тӱаьгирттаву Аллагу ﷻ кӱицӱ лагавунияр ххирасса эбадат дакьассар. Гьарца цамур эбадат Аллагу ﷻ кӱицӱ лаганшиврул дайсса задрур.

Цинявннал мурадгу, матӱлабу-ль-аьлягу, макьсаду-ль-акьсагу Аллагу ﷻ кӱицӱ лагавур. Цайми тӱаьгирттан, эбадатирттан цанна-цанна чӱнну, къадарду дуссар. Аллагу ﷻ кӱицӱ лагаврин личӱийсса чӱн дакьассар, гьарца чӱмал кӱицӱ лагаву хьинссар, ца къадаргу бакьассар, циксса кӱицӱ лагарчагу. Чӱявуну кӱицӱ лагияра куну Аллагнал ﷻ амру бувссар. Аллагнал ﷻ ххуллий кафиринтурайх тур ришлешавунияр, зикри баву ххирассар, арцу-мусил садакьа бавунияр ххирассар. Му бунагьирттан закьумри, нифакьрая марцӱ аймурди, шьйтӱаннуя уруччаймурди, цӱарая ххассар аймурди, Имандалул элмури, Аллагначӱан ﷻ ияврил дайдихьури, Аллагу ﷻ рязи аймурди, тӱаьтрайн гьира бутаймурди, дакӱ кӱкӱлу даймурди, аьшививурттаяту айщун аймурди. Хӱасил, шьйтӱаннул увкуссар Аллагу Таьалананахь ﷻ: «На Вил Хьуншиврийн хьа бара, яла кьагьанна Вил халкь бьайкьин буллай, миннал чурххардиву рухӱру дуссаксса, чапур буллай, аьсив буллай», - куну. Аллагу Таьаланалгу ﷻ увкуссар: «Я малюьн, Нагу хьа бара Ттулла Хьуншиврийн, Нагу яла кьагьанна миннал аьфву буллай, миннал Нава кӱицӱ лаглай даимссаксса», - куну. «На миннал цалану кӱицӱ лагарча, На мий малаиктуврал дянив кӱицӱ лаганна, На миннал лухчичиний кӱицӱ лагарча, На мий савруннай кӱицӱ лаганна, миннал Ттухава къулугь буллай кӱицӱ лагарча, на мий неьматрайну кӱицӱ лаганна, на миннал шукрулийну кӱицӱ лагарча, На мий зиядалину кӱицӱ лаганна», - куну. Му Аллагу ﷻ кӱицӱ лагавугу кӱира кӱуцӱуйсса дуссар: мазрал кӱицӱ лагаву ва дакӱнил кӱицӱ лагаву. Мазрал кӱицӱ лавгун зикри баву Аьлиллул лавьссар Расулуллагнаятау ﷺ. Дакӱнил баву – Абуьбакардул лавьссар. Мазрал зикри хӱасанатури, дакӱнил зикри – кьурубатру, даражатрури. Зикриллул матӱлубмур – дакӱнил бавур, маз – мунисса ххуллур. Мазрал марцӱну баврил барачат дакӱнингу биянссар. Мазрал зикри баву тӱурча, Аллагу ﷻ дакӱний увгьуну, Аллагнал ﷻ цӱардаятуса ца кӱицӱ лагавури, ци мазрай кӱицӱ лагарчагу, цукун кӱицӱ лагарчагу. Аллагу ﷻ дакӱний акьанува кӱицӱ лагавриллив хайр бакьассар, му дакӱниву къасават думанал пишари. Дакӱнил кӱицӱ лагавуририв, маз сукку къабувнува, дакӱниву Аллагу ﷻ увгьуну пикрилий ацӱавури. Хӱакьикьатрайну мукун ацӱарча, мунал даража хьунмассар. Мунал гьарца базуллул батӱндалува Аллагу ﷻ кӱицӱ лаглай бикӱлайссар. Ялагу, му Аллагу ﷻ кӱицӱ лагаву ччарча кьютӱну, лагьну данссар, ччарчагу оьвкуну, лахьну данссар, кӱиннилвагу даража буссар. Амма мунил ххирашиву му кӱицӱ лагайманал хӱалданух урувгунни бикӱлайсса. Оьвкуну кӱицӱ лагавриву рияъ, сумаьт багьлай бакьахьурча, оьвкуну ххирассар, дакӱниву къасават яла лагайссар, гьира цӱакь шайссар, шану къабиллай дакӱ тирх тӱий дикӱлайссар, бавминнангу, вичӱи дирхьуминнангу чиригу хӱасул шайссар. Рияъ хӱала хьанай бухьурчарив, ягу цайми эбадат дуллалисса буну, микку миннан шугьлурду багьлай буну, зарал хьанай бухьурча, лагьну, кьютӱну, цайминнан къабаянну кӱицӱ лагланссар, му чӱумал мукун кӱицӱ лагаврил даража хьунмассар.

Бучиссарив хьамитайпалун роддомраву цила акъасса оьрчлан ккукку булун?

Ласнал ихтияр дулурча бучиссар. Амма кулну бикан аьркинссар, ххюйла ккукку булусса оьрч мунил наклил оьрч (молочный сын) шайшиву.

Тгуча цукунчавсса хъус дакъхурча на васият цукунсса чичин аьркинссар?

Чара бакъа ци-дунугу хъусливавса васият дан аьркиншиву дакъассар. Васиятраву гъан-маччаминнан, уссу-ссурвавран ххуйсса насихлат чичингу бучиссар.

Бучиссарив хьамитайпалун цила чарардайн цайми чарарду дарзуну лахьин дуван?

Шариаьтрайн бувну мукун дан ихтияр дакъассар.

Бучиссарив дарцусса хъус машан ларсун залуннан зана дан?

Дарцусса ягу гужрай зерххусса хъус машан ларсун ягу цамур куццуй залуннан зана дан бучиссар (Иаьнату-тI-ТIалибин).

Дуаь къамул шайсса чунну ва кIантту цумири?

Дуаьлухьхун жаваб дулайсса, дуаь дан яла ххирасса чунну вайри: Лайлатул Кьадрилул хьху, Аьрафалул кьинирду, Рамазан барз, Аьрафатрал кьини, Шяьбан зурул ацIния ххюра хьху, гьарца нюжмар хьху, нюжмар кьини, ххамис хьху, гьарца хьхунил дайди хьху, хьху дя дирзсса чун, кIюрххицIун чун, хьхунил ахир, акбар учаврича, акбарданул ва къаматрал дянив, къамат учаврича, хIайяаьлассалатрал ва хIайяаьлалфалагьрал дянив, фарийзасса чаклил хьирив, суждалуву, Кьурьан бувккукун, хаснува хатму бувкун, хаснува къаринал бувккукун, зам-зам щин хIачаврича, жаназалул ялун ияврича, ивчIайний яру лакъаврича, ажарттул эю кувкун, бусур-

мантал цачIун хъусса кIанай, зикри байсса мажлисрай, гьарал лачIлан диркIукун, Байтуллагь ххал хьувкун, сапарданий наниний. Дуаьлухьхун жаваб дулун лайкьсса, ххирасса кIанттурдугу вайри: Маккалив, хаснува Байтуллагьрал вив, бяшкIанттул лув, ХIажарул-асвадрача, Рукнул-иманилчIа, Макьамрача, ХIужралчIа, Мултазимрача, ХIатимрача, Зам-замрача, Макьамрал махь, Рукну-макъамрал дянив, Марва-сафалий, миннул дянив, Миналив, Муздалифатрай, Аьрафатрай, чIучIри бищай кIанай, машаьрул хIарамрай, Байтуллагь ххал шайсса кIанай, Мадиналив, хаснува Идавсил гьаттача, мунал мизитраву, цайми идавстурал, валийтурал, шайхтурал хьинсса, салихIсса лагьартуннал гьаттардичIа, гьарца мизитиртгаву, цалла эбадат дайсса къатлуву, мукунма цайми ххирасса кIантгаву.

ХИАЖ-2014

ХIурмат бусса лакрал жамат, уссурвал ва ссурвал! Сакин буллай буру гьашину цала кашилийн ХIажлив гъан ччисса лакрал группа. ЦIуххаву дан хьунтIиссар ва номерданийн оьвкуну: 8-989-864-32-69, 8-951-622-91-31

ДУАЬ

ВИХЬРА МАКИ БУВСУКУН УЧА

خَيْرًا رَأَيْتَ وَ خَيْرًا يَكُونُ وَ خَيْرًا لَنَا وَ شَرًّا لِعَدَائِنَا وَ الْحَمْدُ لِلَّهِ رَبِّ الْعَالَمِينَ

Хайран райта ва хайран якуну ва хайрун ляна ва шаррун ли-аьдаина вальхIамдулилляги раббилъ аьламин.

**ХХИРАССА БУККУЛТ!
НАЙ ДУССАР 2014-КУ ШИНАЙНССА "АС-САЛАМ"
ККАЗИТРАЛ ПОДПИСКА.
ККАЗИТ ЧИЧИН ХЬУНТИССАР ЧЧИМУР ПОЧТАЛИЙ ВА ГЬАРЦА РАЙОННАЙССА ЖУЛ ВАКИЛУРАЙХЧИИ.
ККАЗИТ ЧИЧАВРИЛ ВА БИЯН БАВРИЛ ХИАКЪИРАВУ
ОЬВЧИН БЮХЪАНТИССАР ВАЙ НОМЕРДАЙН
91-42-22 , 8-988-307-04-03
АЛЛАГЬНАЛ КУМАГ БАННАВ!**

**ХIурмат лавайсса уссурвал ва ссурвал! МахIачкъалаливсса Хьун мизитрачIату занай буссар маршрут-ка Астраханнай увчусса хьунасса шайх МахIмуд-афандинал (къ.с.) зияратрайн. Зиярат бан ччиминнаща оьвчин шайссар ва номерданийн:
8-938-782-25-94**

**ХIурмат бусса уссурвал ва ссурвал!
Зунма цIуххин ччисса,
ИсламрацIун, ШариаьтрацIун,
кулпатрал багьу-бизулуцIун бавхIусса ва цаймигу суаллу гъан бан бюхъайссар 8-928-580-37-89 номерданийн SMS – райхчин. Хъаннин хасьсса суал булун ччиминнаща бюхъайссар оьвчин ва номерданийн: 8-928-507-53-22
e-mail: assamlak@mail.ru**

Медресе имени шейха Мухаммад-Арифа и Дагестанский Исламский Университет имени шейха Мухаммад-Арифа

ОБЪЯВЛЯЮТ ПРИЕМ АБИТУРИЕНТОВ НА ОЧЕРЕДНОЙ 2014/2015 УЧЕБНЫЙ ГОД

Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».



Продолжительности обучения:

в Медресе – 3 года;

в Дагестанском исламском университете – 5 лет.

ПЕРЕЧЕНЬ ДОКУМЕНТОВ НЕОБХОДИМЫХ ДЛЯ ПОСТУПЛЕНИЯ:

1. Нотариальная копия документа о среднем общем образовании (поступающим на базе основного общего образования (9 класс.) вместе с нотариальной копией аттестата необходимо представить справку со школы о переходе на семейную форму обучения)
2. Копия паспорта;
3. Фотокарточки размером 3/4 в количестве пяти штук;
4. Медицинская справка Ф 086;
5. Копия прививочного сертификата Ф 156/у-93;
6. Рекомендация от преподавателя религиозного обучения либо от руководителя мечети (имама) расположенной по месту жительства абитуриента.

Наш адрес: г. Махачкала, ул. Дахадаева, д. 136

Тел.: (8722) 67 55 08; 8 988 294 56 16

Рузнама

Июнь

Кьини	КIюрххил чак	Баргь букваву	Ахтгайн чак	Ахтгакьун чак	МаркIачан чак	ХьатIан чак
1	2:57	5:11	12:47	16:49	20:23	22:18
2	2:56	5:10	12:47	16:49	20:24	22:19
4	2:54	5:09	12:47	16:50	20:25	22:21
6	2:52	5:09	12:48	16:51	20:26	22:23
8	2:51	5:08	12:48	16:51	20:28	22:26
10	2:49	5:07	12:48	16:51	20:29	22:28
12	2:49	5:07	12:49	16:52	20:30	22:29
14	2:47	5:06	12:49	16:53	20:32	22:31
16	2:47	5:08	12:50	16:54	20:32	22:32
18	2:47	5:08	12:50	16:54	20:32	22:33
20	2:47	5:08	12:51	16:55	20:32	22:35
22	2:47	5:08	12:51	16:55	20:32	22:35
24	2:47	5:09	12:51	16:55	20:33	22:34
26	2:50	5:10	12:52	16:56	20:34	22:34
28	2:50	5:10	12:52	16:56	20:34	22:34
30	2:52	5:11	12:52	16:56	20:34	22:33